

ԼԵՌՆԱՅԻՆ ՂԱՐԱԲԱՂԻ ԴՐՈՒԹՅԱՆ ՇՈՒՐՋԸ

ՍՏԵՓԱՆԱԿԵՐՏ (Լեոնային Ղարաբաղի Ինքնավար Մարզ): 3 հոկտեմբերի (ՏԱՍՍ-ի թղթ. Ս. Սախնո, Ա. Կազնաշեն): Հասարակական կարգի ապահովում, ճանապարհների վերահսկողություն. սրանով չեն սահմանափակվում ԼՂԻՄ-ում գտնվող ներքին զորքերի ֆունկցիաները: Այժմ նրանք զբաղվում են նրանով, որ մթերքներ են փոխադրում Ստեփանակերտ և մարզի գյուղական շրջաններ, պահպանում են ջրահավաք կետերը, նորոգում և քարեկարգում այն շինությունները, որտեղ ժամա-

նակավորապես տեղավորել են իրենց: Բացի դրանից, հողագործների խնդրանքով զինվորները մի շարք տնտեսությունների օգնում են գյուղատնտեսական աշխատանքներում, որոնք, չնայած քաղաքը կազմալուծած գործադուլին, այնուամենայնիվ, շարունակվում են ինքնավար մարզի մի շարք շրջաններում:

Ստեփանակերտում իրադրությունը դարձյալ բարդ է: Չեղնարկությունների դարպասները փակ են, չի գործում հասարակական ու բեռնատար տրանսպորտը, բացառությամբ

մի քանի երթուղային տարածքների: Դադարել է բնակելի ու հասարակական շենքերի շինարարությունը, չնայած քաղաքի բնակիչների՝ այդպիսի շենքերի մեծ պահանջարկին: Երկաթուղային կայարանում կանգնած են չբեռնաթափված վագոններ:

ՍՍՀՄ Գերագույն սովետի նախագահության այս տարվա հուլիսի 18-ի նիստի ընթացքում առաջադրված հարցերի ուսումնասիրման համար այսօր Ստեփանակերտ ժամանեցին ՍՍՀՄ Գերագույն սովետի Ազգությունների սովետի դեպուտատների ազգամիջյան հարաբերությունների հարցերի հանձնաժողովի անդամները՝ հանձնաժողովի նախագահ Ա. Է. Վոսի գլխավորությամբ:

ԼԵՌՆԱՅԻՆ ՂԱՐԱԲԱՂՈՒՄ

ՍՏԵՓԱՆԱԿԵՐՏ, 4 հոկտեմբերի (ՏԱՍՍ): ՍՍՀՄ Գերագույն սովետի Ազգությունների սովետի ազգամիջյան հարաբերությունների հարցերով զբաղվող դեպուտատների հանձնաժողովը, որը գլխավորում է ՍՍՀՄ Գերագույն սովետի Ազգությունների սովետի նախագահ Ա. Է. Վոսը, տեղում ձեռնամուխ եղավ Լեոնային Ղարաբաղի հետ կապ-

ված պրոբլեմների ուսումնասիրությանը:

Կուսակցության մարզային կոմիտեում, ԼՂԻՄ-ի ժողովրդական դեպուտատների սովետի գործկոմում տեղի ունեցան հանձնաժողովի անդամների զրույցներ Ստեփանակերտի աշխատավորության, մտավորականության ներկայացուցիչների և մի շարք ձեռնարկությունների ու կազմա-

կերպությունների ղեկավարների հետ: ՍՍՀՄ Գերագույն սովետի դեպուտատները կայցելեն արդյունաբերական ձեռնարկություններ, կմեկնեն մարզի շրջաններ:

ՍՍՀՄ Գերագույն սովետի Ազգությունների սովետի հանձնաժողովը նաև նախատեսում է Լեոնային Ղարաբաղի վերաբերյալ կուսակցական, սովետական մարմինների և աշխատավորական կոլեկտիվների առաջարկությունները ուսումնասիրել Բաքվում ու Երևանում: